

四庫全書

子部

欽定四庫全書

子部  
職官分紀卷十八

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣曹錫齡

謄錄監生臣崔敏弟

欽定四庫全書

職官分紀卷十八

宋 孫逢吉 撰

總叙卿

前漢百官表周官則備矣天官冢宰地官司徒春官宗伯夏官司馬秋官司寇冬官司空是為六卿各有徒屬職分用於百事太師太傅太保是為三公蓋參天子坐而議政無不總統故不以一職為官名又立三少為之

副少師少傅少保是為三卿與六卿為九焉

漢官儀卿中二千石

韋昭辨釋名卿慶也言萬國皆慶賴之又漢置十二卿  
一曰太常二曰太僕三曰衛尉四曰光祿勳五曰宗正  
六曰執金吾七曰司農八曰少府九曰鴻臚十曰廷尉  
十一曰大長秋十二曰將作大匠辨云漢正卿九一曰  
太常二曰光祿勳三曰衛尉四曰太僕五曰廷尉六曰  
鴻臚七曰宗正八曰司農九曰少府是為九卿

後漢百官志太常卿一人光祿勳卿一人衛尉卿一人

漢官目錄云右三卿太尉所部

太僕卿一人廷尉卿一人大鴻臚卿一

人右三卿司徒所部

宗正卿一人大司農卿一人少府卿一人

右三卿司空所部

帝王世紀九卿者所以參三公也

白虎通卿章也章美明理也

魏武帝紀初平十八年十一月初置六卿

晉職官志太常光祿勳衛尉太僕廷尉大鴻臚宗正大

司農少府將作大匠太后三卿大長秋皆為列卿各置丞功曹主簿五官等員

南齊百官志太常光祿勳衛尉廷尉大司農少府各置丞一人將作太匠太僕太鴻臚三卿不常置將作掌宗廟土木太僕掌郊禮執轡鴻臚掌導護贊拜有事權置兼官事畢乃省宣德衛尉少府太僕鬱林立皇后置後魏官氏志太和十五年置少卿官

百官令少卿第四品上

隋百官志諸卿梁初猶依宋齊皆無卿名天監七年以太常卿加置宗正卿以大司農為司農卿三卿是為春卿加置太府卿以少府為少府卿加置太僕卿三卿是為夏卿以衛尉為衛尉卿廷尉為廷尉卿將作大匠為匠卿三卿是為秋卿以光祿勳為光祿卿大鴻臚為鴻臚卿都水使者為大舟卿是為冬卿凡十二卿皆置丞及功曹主簿陳承梁皆循其制後齊太常光祿衛尉宗正太僕大理鴻臚司農太府是為九寺置卿少卿丞各

一人各有功曹五官主簿錄事等員後周盧辨傳隋開  
皇初以辨前代名行追封沈國公初周文欲行周官命  
蘇綽專掌其事未幾而綽卒乃令辨成之於是依周禮  
建六官革漢魏之法以魏恭帝三年始命行之六卿之  
外置太師太傅太保各一人是曰三弼隋高祖受命太  
常光祿衛尉宗正太僕鴻臚司農太府等九寺並置卿  
少各一人

太僕尋加少卿一人

各置丞

太常衛尉宗正大理鴻臚將作二人光祿太僕三人

司農五人太府六人

主簿

太府四人餘各二人

錄事

各二人光祿加至三人司農太僕各四人

等



員三年廢光祿入司農廢衛尉入太常尚書省廢鴻臚  
亦入太常十二年復置光祿衛尉鴻臚等寺煬帝時光  
祿以下八寺卿皆降為從三品少卿各置二人為從七  
品

唐百官志龍朔二年九寺卿皆曰正卿少卿皆曰大夫  
咸亨初復除正字

五代職官志後唐同光元年十一月中書門下奏諸寺  
監各只請置大卿監祭酒司業各一員博士兩員

敢辱高位以速官謗

左傳陳敬仲奔齊懿氏卜妻之齊侯使敬仲為卿辭曰羈旅之

臣幸若獲宥及於寬政赦其不闕於教訓而免於罪戾弛於負擔君之惠也所獲多矣敢辱高位以速官謗敢

以死

非君命不越境

師非君命出不越境

三珪之位

莊子楚昭王延屠羊說以

三珪之位謂

內外必平

臣國語晉悼公使張老為卿辭曰臣不如魏絳之智能治其大官

其仁可以利公室若

知其君子

說苑秦繆公使賈人戴鹽徵諸賈人賈人買百

里奚使將車之秦秦繆公觀鹽見百里奚牛肥公問對曰臣飲食之以時使之不以暴是以肥也公知其君子

以為

卿之事常在於德

九卿者不失四時通於溝渠修堤防種樹木美五穀如是者舉

以為九卿故卿

賤不能臨貴

齊桓公使管仲治國對曰賤不能臨貴桓公以為上

卿舉一國之高

淮南子舉一國之高以為九卿

賓以上卿禮

春秋桓公曾太子來

朝賓以上卿禮饗曾太子樂奏而歎施父曰曹太子其有憂乎非歎所也

辭上卿之饗

齊侯使管

仲平戎子王王以上卿禮饗之管仲辭曰臣賤有司也受下卿之禮而還君子曰管氏之世祀也宜哉讓不忘

其復召拜為上卿

新序魏文侯曰寡人何如君也翟璜曰君伐中山不封君之弟而封君之

長子君非仁君也文侯怒任彥至對曰君仁君也曰何以言之曰其君仁者其臣直向翟璜之言直是以知君

仁君也文侯曰善復召翟璜入拜為上卿

以大功為上卿

趙王以相如有大功拜為上卿位在

廉頗之上亡走為客卿

蘇秦佯得罪於燕而奔齊宣王以為客卿

復通於燕燕趙

以為客卿

樂毅出奔趙往來復通於燕燕趙復以為客卿

再至九卿

史記漢陽段容始事

蓋侯信信任容

四至九卿

汲黯  
為太子洗馬安深巧善官四

亦再至九卿

至九卿河又前漢儒林傳曰長安許商子長伯

下括河

南太守卒

善為算著五行論歷四至九卿

海謝承後漢書李淑諫更始曰夫

身帶三綬  
馬防與九

三公上應台宿九卿下括河海

帶三綬寵

絕席

上  
徇虛名而忘事實

唐麟德二年將有  
事于泰山有司議

貴至盛

依舊禮以太常卿為初獻光祿卿為終獻司禮太常伯

劉祥道曰昔在三代六卿位重故得佐祠漢魏以來權

歸臺省九卿皆為常伯屬官今登封大禮不以八座行

事而用九卿無乃循虛名而忘事實乎高宗從其意竟

以司徒王元禮為

分職帥屬倡九牧

尚書周官六卿分  
職各帥其屬以倡

初獻祥道為終獻

九牧阜

棘周禮外朝之法左九

法河海

春秋漢舍孽  
三公象五嶽

成兆民

棘孤卿大夫位焉

九卿法河海三公在天

法北斗 上再見為上卿

史記虞卿躡蹻

擔簦說趙孝成王

再見為趙上卿

## 太常

前漢百官表奉常秦官掌宗廟禮儀有丞景帝中六年

更名太常

應劭曰常典也掌典三禮也師古曰太常王者旌旗也畫日月焉王有大事則建以行禮

官主奉持之後改曰太常

屬官有太樂太祝太宰太史太卜太醫六

令丞又均官都水兩長丞有龐太宰太祝令丞五時各

一尉又博士及諸陵縣皆屬焉景帝中六年更名太祝為

祠祀武帝太初元年更曰廟祀初置太卜

漢官儀欲令國家盛太社稷常存故稱太常

後漢百官志太常卿一人丞一人太史令一人六百石

本注曰掌天時星歷凡歲終奏新年歷凡國祭祀喪娶之事掌奏良日及時節禁忌凡國有瑞應災異掌記之

太史待詔三十七人其六人治歷三人龜卜三人廬宅  
四人日時二人易筮二人典祿九人籍氏計氏典昌氏  
各三人嘉法請雨解  
事各二人醫二人  
丞二人明堂及靈臺丞二人二百

石本注曰丞掌守明堂靈臺靈臺掌候日月星氣皆屬

太史

靈臺待詔四十二人其十四人候星二人候日三人候風十二人候氣三人候晷景七人候鍾律一

人舍

博士祭酒一人太祝令一人六百石太宰令一人

六百石本注曰掌宰工鼎俎饌具之物凡國祭祀陳饌

具

明堂丞一人二百石員吏四十二人其二人百石二人斗食二十三人佐九人有秩二人學事四人守學

事宰二百四十二人屬者七十三人衛士一十五人

丞一人太樂令一人六百石

本注曰掌伎樂凡國祭祀掌請奏樂及大饗用樂掌其

陳序

員吏二十五人其二人百石二人斗食七人佐十人學事四人守學事樂人八僧舞三百八十人

丞一人高廟令一人六百石本注曰掌守廟案行掃除

無丞

員吏四人衛士一十五人

世祖廟令一人六百石本注曰如高

廟

員吏六人衛士二十人

先帝陵每陵園令各一人六百石本注

曰掌守陵園案行掃除丞及校長各一人本注曰校長

主兵戎盜賊事先帝陵每陵食官令各一人六百石本

注曰掌望晦時節祭祀

漢官曰每陵食監一人秩六百石監丞一人三百石中黃門八

人從官二人案食監是食官令號

右屬太常本注曰有祠令一人後轉

屬少府有太卜令六百石後省并太史中興以來省前

凡十官

案十官太宰均官都水雍太祝五時各一尉也



漢官解詁太常社稷郊時事重職尊故在九卿之首

衛宏曰太常主導贊助祭皆平冕七旒玄上纁下畫華  
蟲七章魏志建初二十一年八月始置奉常正官黃初  
元年改奉常為太常

晉職官志太常博士協律校尉員又統太學諸博士祭  
酒及太史太廟太樂鼓吹陵等令太史又別置靈臺丞  
宋百官志太常一人舜攝帝位命伯夷作秩宗掌三禮  
即其任也周時曰宗伯是為春官掌邦禮秦改曰奉常

漢因之景帝六年更名太常前漢則以列侯忠孝敬謹者居之後漢不必列侯也

南齊百官志太常府置丞一人五官功曹主簿博士謂之太學博士國子祭酒一人博士二人助教十人諸陵有令丞

隋百官志梁太常位視金紫光祿大夫統明堂二廟太史太祝廩犧太樂鼓吹乘黃北館典客館等令丞及陵監國學等又置協律校尉總章校尉監掌故樂正之屬

以掌樂事太樂又有清商署丞太史別有靈臺丞後齊

太常寺掌廟陵羣祀禮樂儀制天文術數衣冠之屬其

官有博士

四人掌禮制

協律郎八書博士等員統諸陵太廟

太樂衣冠鼓吹太祝太史太醫廩犧太宰等署令丞而

太廟兼領郊祠崇虛二局丞太樂兼領清商部丞鼓吹

兼領黃戶局丞太史兼領靈臺太卜二局丞隋高祖太

常寺又有博士四人協律郎二人奉禮郎十六人統郊

社太廟諸陵太祝衣冠太樂清商鼓吹太醫太卜廩犧

等署各置令丞郊社署又有典瑞太祝署有太祝太樂署清商各有樂師員鼓吹署有吹師太醫署有主藥醫師藥園師醫博士助教按摩博士呪禁博士等員太卜署有卜師相師男覡女巫巫太卜博士助教相博士等員煬帝罷太祝署而留太祝員八人屬寺後又增為十人奉禮減置六人太廟署又置陰室丞守視陰室改樂師為師正十人太卜又有博士員置太卜正二十人以掌其事太醫又置醫監五人正十人罷衣冠清商二署

唐職官志太常寺

古曰秩宗秦曰奉常漢高改為太常梁加寺字唐初有衣冠署令正八品

上貞觀元年署廢龍朔元年改太常寺曰奉常寺武后光宅元年復改太常寺曰司禮寺卿一人少卿

二人丞二人主簿二人錄事二人府十二人史二十三  
人博士四人謁者十人贊引二十人太祝六人祝史六  
人奉禮六人贊者十六人協律郎二人亭長八人掌固  
十二人太廟齋郎京都各一百三十人太廟門僕京都  
各三十人兩京郊社署令各一人丞一人府二人史四  
人典事三人掌固五人門僕八人齋郎一百一十人郊

社令掌五郊社稷明堂之位祠祀祈禱之禮丞為之貳  
諸陵署令一人錄事一人府二人史四人主衣四人主  
輦四人主樂四人典事三人掌固二人陵戶乾橋昭四  
百人獻定恭三百人陵令掌先帝山陵率戶守衛之丞  
為之貳凡朔望元正冬至皆修饗於諸陵諸太子陵令  
各一人丞一人太樂署令一人丞一人府三人史六人  
樂正八人典事八人掌固八人文武二舞郎一百四十  
人太樂令調合鐘律以供邦國之祭祀饗宴丞為之貳

凡天子宮懸鐘磬凡三十六虞凡大宴會則設十部伎  
凡大祭祀朝會用樂辨其曲度章服而分始終之次有  
事於太廟每室酌獻各用舞凡祀昊天上帝及五方大  
明夜明之樂皆六成祭皇地祇神州社稷之樂皆九  
成其餘祭祀三成而已

鼓吹署令一人丞三人府三人史六人樂正四人典事  
四人掌固四人鼓吹令掌鼓吹施用調習之節以備鹵  
簿之儀丞為之貳凡大駕行幸鹵簿則分前後二部以

統之法駕則三分減一小駕則減大駕之半皇太后皇后出則如小駕之例皇太子鼓吹亦有前後二部親王以下各有差凡駕行幸有夜警晨嚴之制

太醫署令二人丞二人府二人史四人主藥八人藥童二十四人醫監四人醫正八人藥園師二人藥園生八人掌固四人太醫令掌醫療之法丞為之貳其屬有四曰醫師針師按摩師呪禁師皆有博士以教之其考試登用如國子之法凡醫師醫工醫正療人疾病以其全多少而書



之以為考課諸藥醫博士一人助教一人醫師二十人

醫工一百人醫生四十人典藥二人博士掌以醫術教

授諸生

醫術謂習本草甲乙脉經分而為業一曰體療二曰瘡腫三曰少小四曰耳目口齒五曰角髮

針博士一人針助教一人針師十人針工二十人針生

二十人博士掌教針生以經脉孔穴使識浮沉澁滑之

候又以九針為補瀉之法按摩博士一人按摩師四人

按摩工十六人按摩生十五人按摩博士掌教按摩生

消息導引之法呪禁博士一人呪禁師二人呪禁工八

人呪禁生十人呪禁博士掌教呪禁生以呪禁除邪魅之為厲者

太卜署令一人丞一人卜正二人卜博士二人太卜令掌卜筮之法丞為之貳

其法有四一曰龜二曰五兆三曰易四曰式

廩犧署令一人丞一人令掌薦犧牲及粢盛之事丞為之貳凡三祀之牲牢各有名數

汾祠署令一人丞一人掌神祀饗祭洒掃之制兩京齊太公廟署令各一人丞各一人掌開闔洒掃及春秋仲

釋奠之禮

國朝太常寺掌禮樂器服郊廟社稷陵寢犧牲籍田祠祀醫藥之事

慶歷四年自鼓吹局移就武成王廟

春明退朝錄太常寺國初以來皆禁林之長主判而禮院自有判院同判院大中祥符中符瑞繁縟別建禮儀院輔臣主判而兩制為知院天禧末罷知院天聖中省禮儀院而寺與禮院事舊不相兼康定元年置判寺同

判寺並兼禮儀事近有至六七人者按唐太常置卿一員少卿二員博士四員祥符中博士二員後至四員今

若置判寺一員同判寺二員合唐之卿數矣

天聖元年改同判院

為同知院即博士也

又太常寺舊在興國坊今三班院是也景祐

初燕侍郎肅判事廳事畫寒林屏風時稱絕筆其後為判寺好事者竊取之嘉祐八年徙寺於福善坊其地本開封府納稅所英宗在藩邸判宗正寺構為廨舍既成而已立為皇子遂為太常所請焉

# 獻旋宮相生圖

國朝太常寺言音律官田琮以上所新  
增九絃琴五絃阮鈞配十二律旋相為

宮隔八相生並已協律冠於雅樂以  
旋宮相生之法畫為圖獻上善之

## 奏樂舞樂章

太常寺奏

大行皇帝祔廟本室酌獻其舞曰大仁之舞其樂章曰  
大哉至仁如天之臨享國長久及物功深旁魄涵濡結

為民心億萬斯

## 奏配饗樂曲

太常寺奏仁宗配饗樂明  
堂奠幣用成安之曲其詩

年於昭德音

曰思皇烈考克配天明隆商雍饗惟孝惟成配獻用德  
安之曲其詩曰燾在同仁聲容無外饗帝于筵有嚴昭

配

## 言令樂太高

東齊記事燕龍圖肅判太常寺建言今  
之樂太高始下詔天下求知音者李照

言樂比古高五律而胡瑗既逸相繼出矣李照之樂以  
縱黍累尺黍細而尺長律之容乃千七百三十黍胡瑗  
以橫黍累尺而尺短律之容千二百黍而空徑乃三分  
四釐六毫空徑三分四釐六毫與容千七百三十黍皆

失於以尺而生律也最後有房庶者亦言今之樂高五律蓋用唐樂而知之自收方響一笛一皆唐樂也其法以律生尺而黍用一籽二米者是時無二米黍據見黍其律雖無千七百三十黍之謬與三分四釐六毫之差然其聲纔下三律蓋黍細耳其法則是也王原叔胡瑗大不喜其說朝廷但授庶試秘書省校書郎不究其法而止庶玄齡之後其為人簡脫嘗與鄉薦然好音宋子京田元均薦而召之是時丁正臣亦收牙笛二與庶笛同

卿

尚書堯典伯夷汝作秩宗典朕三禮

周禮春官大宗伯掌天地神祇人鬼之祀

後漢百官志太常卿一人二千石

盧植禮注曰如太常正

本注曰

掌禮儀祭祀凡祭祀先奏其禮儀及行事贊天子每選試博士奏其能否大射養老大喪皆奏其禮儀每月前

晦察行陵廟

漢官曰員吏八十五人其十二人四科十五人佐五人假佐十三人騎吏九人學事

十六人

守學事

漢官解詁太常社稷郊時事重職尊故在九卿之首

漢官典志惠帝改太常為奉常景帝復為太常

衛宏曰太常主導贊助祭皆平冕七旒玄上纁下畫華

蟲七章魏武帝紀初平十八年初置列卿

後魏職令太常為列卿

晉職官志太常少卿第四品上第一清選明禮樂兼天

文陰陽

齊職儀太常卿一人品第三秩中二千石銀章青綬進賢兩

梁冠絳朝服佩水蒼玉王朗曰西京太常行陵赤車千乘

職員令太常卿位任特隆學冠儒林

藝通禮樂者可以居之

隋百官志梁天監七年以太常為太常卿後齊太常為



寺置卿少卿各一人隋高祖因之

唐百官志龍朔二年九月卿皆曰正卿少卿曰大夫咸

亨初除正字太常寺卿一人

正三品

掌邦國禮樂郊廟社

稷之事以八署分而理之一曰郊社二曰太廟三曰諸

陵四曰太樂五曰鼓吹六曰太醫七曰太卜八曰廩犧

總其官屬行其政令少卿為之貳凡國有大禮則贊相

禮儀有司攝事則為之亞獻率太樂官屬宿設樂懸以

供其事宴會亦如之若三公行園陵則為之副公服乘

輅備鹵簿而奉其禮若大祭祀則先省牲器凡太卜占國之大事及祭祀卜日皆往蒞之於太廟南門之外凡仲春薦冰及四時之物甘滋新成者皆薦焉凡有事於宗廟少卿帥太祝齋郎入薦香燈整拂神幄出入神主將饗則與良醞令實罇罍凡備大饗之器服有四院

天府

御衣樂懸神厨

六典太常寺卿一人正三品

宋太常用尚書亦轉為尚書如遷選曹尚書領護等

齊因之梁天監七年象四時置十二卿太常宗正司農為春卿後魏太常與光祿勳衛尉為三上卿位從一品

下北齊太常卿掌陵廟羣禮儀制天文術數衣冠之屬  
第三品龍朔二年改奉常咸亨元年復舊光宅元年改  
司禮神龍  
元年復舊  
掌同唐志

# 國朝元祐官品令太常卿正四品

今日知為皇帝之貴

前漢叔孫通歸漢拜為博士高帝  
悉去秦儀法為易簡羣臣飲酒爭

功醉或妄呼拔劍擊柱上患之通說上曰願叅古禮與  
秦儀雜就之於是通使徵魯諸生三十餘人及上左右  
為學者與其弟子百餘為綿蕪野外習之月餘會漢七  
年長樂宮成諸侯羣臣皆朝十月儀先平旦謁者治禮  
引以次入殿門自諸侯王以下莫不索恐肅敬御史執  
法舉不如儀者輒引去無敢譴諱失禮者高帝曰吾乃  
今日知為皇帝之貴也拜  
定儀法  
惠帝即位謂太子太  
傅叔孫通曰先帝園

通為奉常賜金五百斤

陵寢廟羣臣莫能習乃徙通重為奉常定宗  
廟儀法及稍定漢諸儀法皆通所論著也  
**坐免** 孝武元朔

元年孔咸為太常坐南陵橋壞衣冠道絕免又宣  
帝地節四年任宣為太常坐盜茂陵園中物免  
**不事**

**權貴** 杜鄴有才能遠太常  
數言得失不事權貴  
**翼翼** 崔駰太常箴曰翼翼太

寢廟**疑其詭激** 周澤字穉都為太常清潔循行盡敬宗  
廟常臥疾齋宮其妻哀澤老病闕問所

苦澤大恕以妻干犯齋禁遂收送詔獄謝罪當時疑其  
詭激時人為之語曰生世不諧作太常妻一歲三百六

十日三百五十九日  
**傳父業** 桓榮字春卿拜太常初遭  
齋一日不齋醉如泥  
倉卒與族人桓元卿同幾

死而榮講論不息元卿嘆之及為太常嘆曰我農家子  
豈意學之為利乃若是哉又榮子郁字仲思敦厚篤學

傳父業亦為太常初榮授朱普學四十萬言浮辭繁長  
多過其實及榮入授顯宗減為二十三萬言至是又省

定為十三萬言由是有大小章句上立節可否之間續

桓榮大小太常章句書張奐字然明拜太常立節可否之間東面坐設九賓強禦不敢奪也縱覽羣籍古今詳細

東觀漢記桓榮為太常上幸太常府榮不汲汲時俗澤

少修高節隱居田野果敢有直言澤拜太常果敢數有不汲汲時俗為太常

賜御府衣一襲楊賜以病罷居無何拜太常詔賜御衣一襲所服官憤綬玉壺革帶金鐻鈎佩

難經伉伉劉太常華嶠後漢書劉愷為太常論議常引正大義諸儒為之語曰難經伉伉劉

太清貧至賣宅自給魏明帝時和洽為太常清貧守分至賣宅自給明帝聞之加賜穀帛

布被瓦器蓋部者舊傳趙典為太常歸田里漢楊秉為太常時太

職官分記

常令李雲以諫受罪乘

德行堂堂邢子昂

魏志邢顯字子昂時人稱

爭之不得免遂歸田里

德行堂堂邢子昂

晉書鄭默字思元遷太常山濤欲舉一親為博

文帝以為太常

卿似尹翁歸

士見默語曰卿似尹翁歸令吾不敢復言謂其柔而能整也

屋棟折

歷位忠恪

藏榮緒晉書華表清貧履道內園外

免官

順歷位忠恪言行不玷其以表為太

常還第攝事

晉起居注太常王賀啟府舍窄狹不足移家母鍾年高遠離廬寧乞還第攝事詔從

之臨軒作樂

晉中興書蔡謨拜太常咸康四年臨軒門下奏非祭祀宴饗則無設樂奏臨軒宜

有金石憲宗納馬臨

水清玉潔行為俗表

賀循字彥先元帝以為太

軒作樂自此始也  
常而散騎常侍如故循以九卿舊不加官唯拜太常而已中宗踐阼下令曰循水清玉潔行為俗表加以位處

上卿而居身服物蓋周形而已屋才蔽風雨孤常造其廬以為慨然其賜以大尺床褥并錢二十萬以表至德

九卿不加官上

好生異議

晉後畧成泰位至太常卿好生異議故終無折衷之功

異同顯於聲色

傅暢晉讚劉寔為太常與諸博士窮道義以理趣異同顯於聲色

自謂

閒職

齊書張環以雍州刺史拜太常自謂閒職武帝曰卿昔未富貴謂人不與既富貴復欲委棄之環曰

陛下御臣等若養馬無事就閒廐有事優牽束帝猶怒以為散騎常侍

宗卿

梁陸倕為王光祿讓太常

表曰昔者楚德方盛叔敖濯衣漢道克昌王陽結綬故拜命無辭受爵不讓况宗卿清重歷選所難漢晉以降莫非素範辭爵則桓郁張奮讓封則丁鴻劉愷潘尼之文雅純深華表之從容退默自此迄茲風流繼軌以臣况之曾無等級

九賓闕相封禪失儀

陳沈炯讓太常表曰臣聞玉碣雕楹不取材於蟠木

丹朱繡黼豳冕於絲蘿何則適用各有其儀倘九賓  
闕相封禪失儀責以司存云誰之咎況南史執簡轉見  
違才君舉必**母子相泣**北齊書趙彥深三歲母傅氏嫡  
書尤難妄冒**母子相泣**居家人欲以改適自誓以死彥  
深五歲傳謂之曰家貧兒小何以能濟彥深泣而言曰  
若天哀矜兒大當仰報傳感其意對之流涕及彥深拜  
太常卿還不脫朝衣入見母跪陳幼小孤露**復求為太**  
**常**訓得至於此母子相泣久之然後改服  
**常**李元忠為侍中雖處要任殊不以物務干懷惟以聲  
酒自娛大率常醉家事大小了不關心園庭羅種果  
藥親文尋詣留連宴賞每挾彈携壺遊遨里閭嘗言寧  
無食不可使無酒阮步兵吾師也元忠先為太常卿後  
自中書令復求為太常以其有音樂而多美酒故神武  
欲用為僕射又嘗言其放達常醉不可委以臺閣其子  
聞之請節酒元忠曰我謂作僕射不**親導母輿**  
**勝飲酒作樂愛僕射時宜勿飲酒**唐崔郇  
字處仁



為太常卿初上大閱四部樂於署觀者縱焉邠自私第去帽親導母與公卿逢者迴騎避之衛路以為榮懦

**怯不任事**

趙宗儒為太常卿太常有師子樂備五方之色非會朝聘饗不作幼君荒誕伶官縱肆中

人掌教坊者非牒取之宗儒不敢違以狀白宰相以為事在有司執守合不關白以宗儒懦怯不任事改太子少

卿**改按樂童**

王涯字廣津為太常卿文宗以樂府之音鄭衛太甚欲聞古樂命涯詢於舊工取開

元時雅樂選樂童按之名曰雲韶樂樂成獻於梨園亭上上悅賜涯等綾錦

**振起廢禮**

元載秉政

疎忌楊綰奏為國子祭酒天下清議益歸於綰上深知

之以載在樞衡未即罷遣乃遷綰為太常卿充禮儀使

以郊廟禮久廢

**尚書裏行**

崔日知遷太常卿自以歷任年久每朝士參集常與尚書

藉綰振起之

同列時人號為尚**禮曹素畏其該洽**

筆談江南陳彭年書裏行遂為口實

所詳練歸朝列于侍從朝廷郊廟禮儀多委彭年裁定援引故事頗為該洽常攝太常卿導駕誤行黃道上有司止之彭年正色回顧曰自有典故禮曹素畏其該洽不復敢詰問誤行黃道上

上

### 少卿

後魏書太和十五年置少卿官太常少卿一人第三品上至二十二年降為正四品上

班職令景明初太常少卿第四品上第一清選明禮樂兼天文陰陽者為之

隋百官志後齊太常為寺置少卿一人

唐職官志少卿二人

正四品上

掌

見卿門

神龍元年增置一人

六典少卿二人正四品上

周禮有小宗伯中大夫二人後周亦為小宗伯隋太常寺

置少卿一人正四品上煬帝加置一人降為從四品皇朝武德中置一人貞觀中加二人龍朔咸亨光宅神龍

並隨時改復

掌

見卿門

五代史後唐同光元年諸寺只置大卿一員

國朝元祐官品令太常少卿從五品

識錡于

北史斛斯徵字士亮博覽羣書尤精三禮兼解音律為太常少卿自魏孝武西遷雅樂廢缺徵

博采遺逸稽諸典故創新補舊方始備焉又樂有錡于者近代絕此器或有自蜀得之皆莫之識徵見之曰此

鐐于也衆弗之信徵遂依干寶周禮注以芒筒振之其聲極清衆乃欽服按南齊始興王鑑為益州刺史時有廣漢什邡人段祖以鐐于獻鑑鐐于者古禮器也高三尺六寸六分圓三尺四寸圓如甬銅色黑如漆甚薄上有銅馬以繩懸焉令去地尺餘灌之以水又以器盛水於下芒莖當心跪柱鐐于以手振芒則聲如雷清響良久乃絕古所白髮抽去不復生後魏元順為太常少卿以節樂者也

身自負土時年二十五便有白髮免喪抽昔為清郎今去不復更生世人以為孝思之所致也

為清卿

三國典略齊太常少卿韋修巡省河南諸州充州刺史邢邵與韋修故舊嘗於省中呼韋修為

清郎至是遣送紬為信韋修不受與邵書曰瓜田李下古人所慎多言可畏譬之防川願長此心不貽後責邵亦欣然報書曰一日之贈率爾不思老夫忽忽意不及此敬承來旨吾無間然第昔為清郎今為清卿者矣

端凝若植

唐馮定字翼夫美容止有文學為太常少卿文宗每聽樂鄙鄭衡聲詔奉常習開元霓裳

羽衣舞以雲韶樂和之舞曲成定總樂工聞於庭定立於其間文宗以其端凝若植問其姓氏翰林學士珏曰

此馮定也文宗喜問曰豈非能為古章句者邪及詔升階文宗自吟定送客西江詩吟罷益嘉因錫禁中瑞錦

尋邊諫博士以下就決疑議鄭肅元和六年轉太常少卿肅能為古文長於經學

左丘明三禮儀注疑議博士參定雅樂張文收尤善音律太宗將創制

禮樂詔文收于太常寺與少卿祖孝孫參定雅樂有古鐘十二近代唯用其七餘有五號啞鐘莫復通者文收

吹律調之聲皆響增損樂稱職韋萬石頗有學業而特善音律上元中遷太常

少卿當時郊廟調及燕會雜樂皆萬賜金紫國朝英宗嘉祐八年

十一月賜太常少卿孔叔詹金紫叔詹以勞當遷上不欲以卿監當管庫之務故有賜後以為例

丞

前漢百官表奉常秦官掌宗廟禮儀有丞

後漢百官志太常丞一人比千石

如小樂正

本注曰掌凡禮

行及祭祀小事總署曹事其署曹掾史隨事為員諸卿

皆然

唐職官志太常置丞

宋百官春秋太常丞視尚書郎銅印黃綬一梁冠品第

七掌舉陵廟非法

南齊百官志太常府置丞一人

陶氏職官要錄晉宋九卿置丞進賢一梁冠介幘皂衣  
銅印黃綬齊梁墨綬

隋百官志梁十二卿皆置丞後齊丞一人隋高祖增置丞  
一人煬帝大業三年寺丞增為從五品

唐職官志太常丞二人

從五品上

掌判寺庫凡大饗太廟則

修七祀于太廟西門之內

六典丞二人從五品上

秦有奉常丞漢因之比千石魏晉宋皆置一人後魏五品下太

和二十二年降為七品上北齊從六品下隋二  
人從六品下大業三年增為從五品皇朝因之若祿饗

則兼修配饗功臣之禮

餘同  
唐志

五代職官志後唐同光元年太常寺除太常博士外許

更置丞一員

國朝元祐官品令太常丞從七品

上疏言得失

前漢谷永為太常  
丞數上疏言得失

懷嫌不去官

韋弘為太  
常寺丞父

賢以弘當嗣太常職掌陵廟頗劇多過劾弘  
自免懷嫌不去官及賢疾篤弘坐廟事繫獄定禮決疑



問陶覆之

陶氏家傳覆之字保宗為太常丞凡宗廟疑議多所決定時人為之語曰定禮決疑問陶

覆之

主簿

漢鹵簿之制太常駕四馬主簿前車八乘

晉職官志太常置主簿

南齊百官志太常府置主簿

隋百官志梁天監七年十二卿各置主簿陳承梁皆循其制後齊九卿各有主簿員隋高祖太常置主簿二人

唐職官志太常主簿

從七品上

六典主簿二人從七品上

梁天監七年十二卿各置主簿一人遷為正官功曹又位

不登十八班者別為七班太常主簿班第四梁選太常主簿視二衛主簿陳因之後魏不見北齊太常有功曹五官主簿二人武德中正八品上貞觀中正七品上

掌印勾檢稽失省署抄目

國朝皇祐三年宋祁言乞增置主簿一員勾檢在寺文簿及主掌出納遂除太子中舍致仕胡瑗大理評事兼太常寺主簿瑗尋復致仕詔更不置主簿

博士

晉職官志太常博士魏官也魏文帝初置晉因之掌引導乘輿王公以下應追謚者則博士議定之

宋百官志博士班固云秦官吏臣按六國時往往有博士掌通古今

南齊百官志太常府博士謂之太學博士

隋百官志後齊太常府有博士

四人  
禮制

隋太常寺有博士

四人煬帝省博士員

唐職官志太常置博士四人

從七品上

掌辨五禮之儀式奉

先王之法制通變隨時而損益焉凡大祭祀及有大禮則與鄉導贊其儀凡公以下擬謚皆迹其功行而為之褒貶無爵稱子養德丘園聲實明著則謚曰先生大行大名小行小名之若大祭祀卿省其牲器謁者為之導若小祀及公卿大夫有嘉禮亦命謁者以贊之

六典太常博士四人從七品上

漢書百官表云博士秦官掌通古今秩比六百

石員多至數十人高祖時叔孫通始為博士定禮制後漢置十四人魏因之宋齊太常府官博士亦謂之太學博士梁陳亦兼統國學博士後魏七品下北齊置四人品同魏氏齊因之置謁者三十人贊引六十人皇朝武

德中置二員貞觀中加其員品  
減謁者二十人贊引二十人

# 五代職官志

見丞  
門

## 國朝元祐官品令太常博士正八品

### 妙選

郭子張憑舉孝廉詣劉真長還須臾真長至覓孝廉與同載俱詣撫軍曰下官今為公得一士太常

博士之妙選既前撫軍與之語言咨

### 榮其舊署

唐令狐綯拜兵

部侍郎同中書門下平章事綯以舊事帶尚書省官合  
先省上上日同列集於少府監時白敏中崔龜從曾為

太常博士至相位欲榮其舊署乃改集

### 通古今禮儀

裴

於太常禮院龜從手筆志其事於壁  
通古今禮儀嘗為太常博士及官至郎中每兼其職至  
改國子司業方罷兼領及憲宗惠昭太子薨又命崔以

國子司業攝太常博士太常寺博士  
兼職上國忌饗廟奏  
士廢十三日蓋用期服以日易月

樂禮儀

裴寬為太常博士禮部擬國忌之辰饗廟用樂  
下太常寬深達禮節特建新意以為廟尊忌早

則登歌廟卑忌尊則去篇中書  
禮儀不專於胥吏

陸巨  
字景

令張說謂寬明識舉而行之

山拜太常博士寺有禮生孟真久於其事凡吉凶大儀

禮官不能達率訪真真亦賴是須要姑息元和七年冊

皇太子將撰儀注真亦欲參預亘

去孝弟兩字

崔龜從  
太和

答之由是國忌饗禮不專於胥吏

改太常博士龜從長於禮學精歷代沿革問無不通時

饗宗廟於敬宗祝版稱皇帝孝弟龜從議曰審詳孝字

載考禮文義本生於子孫禮難施於

議射牲  
裴守真授

兄弟臣謂饗敬宗廟去孝弟字從之

守真尤善禮儀之學當時以為稱職高宗將封嵩山詔

禮官議射牲之事守真奏曰據周禮及國語郊祀天地

天子自射其牲漢武唯封太山令侍中儒者射牲行事至於餘祀亦無射牲之文親春射牲雖是古禮文從廢

省立議衆咸推服

韋叔夏除太常博士後屬高宗崩山陵舊儀廢缺叔夏典中書舍人賈大

尹太常博士裴守真等草創撰定由是授春官員外郎則天將拜洛及饗明堂皆別受制共當時大儒祝欽明郭山輝撰定儀注凡元和新禮王彥威少苦學尤通三

立議衆咸推服之

元和新禮

禮撮拾自秦以來朝廷

沿革吉凶五禮以類區分成三十卷獻之

刊正陰陽書

號曰元和新禮由是知名特授太常博士

呂才為太常博士太宗以陰陽書近代以來漸致訛偽穿鑿既甚拘忌亦多命才與學者十餘人共加刊正削

其淺俗存其可用者勒成五十卷并舊三十七卷十五年書成詔頒行之

掌戎府書檄

九國志南

唐高越遷太常博士淮上兵起軍書填委召賜金紫俾掌戎府書檄

太祝

禮記曲禮天子建天官先六太曰太祝

周禮太祝下大夫二人上士四人掌六祝之辭以祈福祥

前漢百官表奉常秦官有太祝景帝中元年更名太祝為祠祀武帝太初元年更名廟祀

後漢百官志太祝令一人六百石本注曰凡國祭祀掌

讀祝文迎送神

漢舊儀曰廟祭太祝令主席酒

丞一人本注曰掌祀小



神事中興以來省

宋百官志太祝令一人丞一人掌祭祀讀祝迎送神太祝周舊官也漢西京置太祝令丞武帝更名廟祀東京改曰太祝

隋百官志後齊太常有太祝

掌郊廟贊祝祭祀衣服等事

署令丞隋

高祖太祝署有太祝二人煬帝太常罷太祝署而留太祝八員屬寺後又增為十一人

唐職官志太常有太祝六人

正九品上

掌出納神主于太廟

之祝版而奉饗薦禘祫之儀凡國有大祭祀凡郊廟之  
祝版先進取署乃送祠以將事署則跪讀祝文以信于  
神禮成而焚之凡大祭祀卿省牲而告充凡祭祀天及  
日月星辰之玉帛則焚之祭地及社稷山岳則瘞之海  
瀆則沉之

六典太祝三人正九品上

齊職儀太常令品第七百  
石銅印墨綬進賢一梁冠絳

朝服用三品勳位後魏太祝令從五品中太和二十二年改為正九品上後周太祝下大夫一人隋太祝八人祝史十六人煬帝廢太祝署以太祝屬寺後增為十人皇朝減置七人後又增置九人開元二十三年減六人

祝史減  
十人

國朝元祐官品令太祝從八品

掌六祝之詞

周禮太祝下大夫二人上士四人掌六祝之詞曰順祝年祝吉祝化祝瑞祝筭祝以

事鬼神祈福祥也

好學溫良稱於儒林

東觀漢記陰猛好學溫良稱於儒林以郎遷太

令祝

奉禮郎

後漢百官志大鴻臚有治禮郎四十七人

漢官曰其四人四科五人

二百石文學五人百石九人斗食六人佐六人學事十二人守學事東觀書主齋祠儉贊九賓

隋百官志後齊鴻臚寺司儀署有奉禮郎三十人後周有理禮中士下士各一人隋太常有奉禮郎十六人統郊社太廟諸陵煬帝太常寺奉禮減置六人

唐職官志太常寺奉禮二人

從九品上

掌朝會祭祀君臣之

版位

餘見六典

貞觀二十三年改治禮郎為奉禮郎以避帝

名開元二十年減二員

奉禮本名理禮國家撰五代史志至永徽七年乃成于時此官

已改故隋百官志梁北齊及隋理禮皆為奉禮

六典奉禮郎二人從九品上

晉太常諸博士有治禮吏二十四人大行令有治禮郎四人後魏治禮郎從六品下太和二十三年改從九品下隋

改奉禮又置贊者十二人皇朝武德中改為治禮置四人永徽後為奉禮郎開元二十三年減二人掌帥贊者以供

### 掌君臣之版位以奉朝會祭祀之禮

版位黑質赤文天子方尺

其事有二寸厚二寸太子方九寸厚二寸公卿以下方七寸厚一寸有半天子版題曰皇帝位太子題曰皇太子位百官題曰某品位凡祭祀朝會以贊導焉

### 凡祭祀朝會設庶官之位

文武左右東西

相向北方為上東方南方之使次於文官之下西方北方之使次於武官之下二王之後列於武官之下褒聖後叙於文官之列凡有事於神祇則設位於壇之東南從祀公卿設官及掌事者位於壇之內外有事於宗廟則設位於廟廷之中九廟之子

### 凡樽彝之制十有四祭祀

則陳之

一曰太尊二曰著尊三曰犧尊四曰象尊五曰壺尊六曰山罍七曰概尊八曰散尊九曰山尊

十曰蜃尊十一曰鷄彝十二曰鳥彝十三曰罍彝十四曰黃彝又陳勺冪護玷之位以奉其事有事於神祇則用太尊至於山罍有事於宗廟則春夏用鷄鳥之彝秋冬用黃罍之彝內中外用概尊歆鎮海瀆用山尊山林川澤用蜃尊衆星

凡祭祀之位簠簋為前登鉶次之籩

豆為後

簠鉶籩豆之位在廟堂上俱陳側階之北每坐四簠次之以六鉶次之以六登籩豆為後每坐

異之皆以南為上屈陳而下

凡大祭祀及朝會在位者拜跪之節皆

贊導之贊者承傳焉又設牲版之位以成省牲之儀凡

春秋二仲公卿巡行諸陵則主其威儀鼓吹之節而相

其禮焉

國朝元祐官品令奉禮郎從八品

協律郎

六典協律郎二人正八品上

漢武帝時李延年為協律郎  
都尉後漢亦有之至魏武

帝杜夔亦為之晉改協律校尉宋齊亦有其官梁太常屬官有協律校尉後魏有協律郎太和初協律中郎從四品下協律郎從五品上至二十年協律郎正八品下北齊太常屬官協律郎二人隋太常寺有二人皇朝因之  
掌和六律六呂以辨四時之氣八風五音之節陽為

六律所以統氣類物仲冬為黃鍾孟春為大簇季春為姑洗仲夏為蕤賓孟秋為夷則季秋為無射陰為六呂

所以旅陽宣氣季冬為大呂仲春為夾鍾孟夏為仲呂  
季夏為林鍾仲秋為南呂孟冬為應鍾凡律管之數起  
於九以九相成八十一以為宮三分去一五十四以為  
徵三分益一七十二以為商三分去一四十八以為羽  
三分益一六十四以為角黃鍾為宮太簇為商姑洗為  
角林鍾為徵南呂為羽旋相為宮以生其聲焉凡大樂  
鼓吹教樂則監試之為之課限凡教樂淫聲過聲凶聲  
慢聲皆禁之

淫聲若鄭衛者過聲失哀樂之節凶聲  
亡國之音若桑間濮上者慢聲不恭者使



陽而不散陰而不敢集剛氣不怒柔氣不懾暢於中發  
於外以應天地之和若祭祀饗燕奏樂于庭則升堂執  
麾以為之節制舉麾鼓祝而樂作偃麾戛鼓而後止

國朝元祐官品令協律郎從八品

善新聲

前漢武帝時李延年善  
新聲以為協律都尉

識舊樂

魏武帝平荊州  
得杜夔知音識

舊樂以為  
協律郎

郊社令

唐職官志

見太  
常門

六典兩京郊社署令各一人從七品下

周人建國左宗廟右社稷祭天

於南郊之圜丘就陽位也祭地於北郊之方壇就陰位也故有典祀中士二人下士四人以時而祭則徵役於司隸帥其屬而修除之秦漢奉常省太祝令丞景帝改為祠祀武帝更曰廟祀後漢祠祀屬少府魏晉有太祝令丞宋有明堂令丞掌祭祀五郊之事齊有太祝及明堂令梁太常卿統明堂太祝等令丞北齊太廟令丞兼領郊祠崇虛二屬丞郊祀掌五郊羣神崇虛掌五歡四瀆神祀後周有司郊上士一人中士一人下士一人隋太常統郊祀署令又置掌五郊社稷明堂之位祠祀祈門僕齋郎皇朝因之

禱之禮丞為之貳凡大祭祀則設神坐於壇上而別其位上帝之神席以藁秸衆神席以莞升中于太山則藉

以三脊之茅與奉禮設樽壘篚幕之具太官令實之凡有事於百神則立燎壇而先積柴焉大祀燎壇方一丈其高丈有二尺中祀方八尺其高一丈下祀方五尺高如其方凡有合朔之變別置五兵於太社矛盾居東戟居南鉞在西稍在北巡察四門立稍於壇四隅以朱絲縈之以候變過時罷之

國朝嘉祐元年置命將作監主簿石祖元為之熙寧元年郊社局令張伯世言局有郊社名而不立四郊之事

按唐六典兩京郊社局令各一人掌五郊社稷明堂之位然則郊社令通掌五郊之事實有典據乞自今兼令勾當四郊壇壝之事使得巡視提舉所貴官正其名郊兆完潔從之

元祐官品令郊社令正九品

太樂令

漢百官表太常屬官有太樂令丞

續漢書太樂令秩六百石掌伎樂凡國祭祀掌請奏樂

及大饗用樂掌其陳序

六典太樂署令二人從七品下

周禮大司樂中大夫二人樂師下大夫四人掌

成均之法以樂舞教國子雲門大卷大咸大韶大夏大  
護大武之舞樂師掌國學之政教國子帔舞羽舞皇舞  
旄舞干舞人舞之節又有太師下大夫二人掌六律六  
同以合陰陽之聲至秦漢奉常屬官有太樂令丞又少  
府屬官有樂府令丞後漢太常樂令一人六百石魏復  
為太樂令丞至晉元帝并太樂於鼓吹宋太常有太樂  
令丞齊因之品第七四百石銅印墨綬進賢一梁冠絳  
朝服梁太常屬官有太樂令班第一品從九又別領清  
商丞太樂有庫丞與清商丞並三品勳位陳因之後魏  
太和十五年置太樂官有太樂博士六品下北齊太常  
寺有太樂令丞後周有司樂上士中士隋太常寺統  
太常令丞二人皇朝因之開元二十三年各減一人掌

教樂人調合鍾律以供邦國之祭祀饗燕丞為之貳

唐武德後置內教坊于禁中如意元年改曰雲韶府以  
中官為使開元二年又置內教坊于蓬萊宮側有音聲  
博士第一曹博士第二曹博士京都置左右教坊掌俳  
優雜伎自是不隸太常以中官為教坊使開成三年改  
法曲所處院曰仙韶院

應圖識

續漢書明帝永平十三年曹褒奏尚書璆璣鈴  
日有暈漢德今作樂名大予下詔改太樂令丞

以應  
圖識

正雅樂

魏黃初中以杜夔為太樂令使正雅樂時  
散騎侍郎鄧靜善詠雅樂歌樂師尹相能

習宗祀之典舞師馮肅曉知前**教官伎樂**晉起居注成  
代諸舞變與創定遷協律都尉  
太樂令戴綬教官伎**箴**楊雄太樂令箴曰陶  
賜米百石布三十疋  
唐五帝設為六樂

## 鼓吹令

隋職官志

見太常門

六典鼓吹署令一人從七品下

周禮鼓人中士六人掌六鼓四金之音所謂靈

鼓雷鼓路鼓鼗鼓晉鼓金鐸和鼓金錫節鼓金鐃止鼓  
金鐸通鼓後漢少府屬官有黃門令典黃門鼓吹一百  
三十五人百戲師二十七人晉遂置鼓吹令丞屬太常  
元帝省太樂并于鼓吹哀帝省鼓吹而存太樂宋齊並  
無梁太常卿統鼓吹令丞及清商署陳因之後齊闕北  
齊太常領鼓吹令丞掌百戲鼓吹樂人等事又兼領黃

戶局掌供樂人衣服等隋太常寺統鼓吹令丞皇掌見  
朝因省清商并于鼓吹開元二十三年減置一人太

常門

國朝慶厯四年自鼓吹局移就武成王廟

摩訶兜勒曲

有角橫吹者始張騫使西域得摩訶兜勒曲其後李延年因之增為二十八解若隴

頭水赤之楊黃覃子望行人出闕入闕出塞入塞之曲是也其短簫鏡歌音雜出漢代多戰陣之聲若思悲翁艾如張上之回戰城南樹二十八解上  
上郎玄雲朱鷺之曲是也

太醫令

漢書百官表少府屬官有太醫令丞



續漢書志太醫令一人六百石有藥丞主藥方丞主藥方

應劭漢官儀太醫周官也兩梁冠秩十石

唐職官志

隋百官志

並見太常門

六典太醫令二人從七品下

周禮有醫師上士下士秦漢少府屬有太醫令丞無

員多至十數人後漢藥有藥丞一人魏因之晉氏宗正屬官有太醫令丞銅印墨綬進賢一梁冠絳朝服品第七過江省宗正而太醫以給門下省宋齊太醫令丞隸侍中梁隸門下省令班第十一丞為三品勳位陳因之

後魏有太醫博士助教北齊太常寺統太醫令丞後周有太醫下大夫小醫上士隋太常寺統太醫令丞有主藥醫師藥園師呪禁博士煬帝又丞二人從八品下置醫監五人醫正十人皇朝因之

漢秦

以來皆有丞一人隋又置二人皇朝因而不改

醫監四人從八品下醫正八人

從九品下醫師二十人醫工一百人醫生四十人典藥

二人太醫令掌諸醫療之法丞為之貳其屬有四曰醫

師針師按摩師呪禁師皆有博士

餘同太常門唐職官志

有樂布之節

魏畧脂習字元升除太醫令與孔融親善融被誅習獨往哭之黃初中以習有樂布

之節拜中散大夫

飲酒輒掣引衣裳

典論中常侍張讓子奉為太醫令與人飲酒輒掣引

衣裳發露形體亂其舄履  
使小大跨倚無不傾倒  
無能恤太上防疾其次萌  
芽腠理不觸骨髓奈何

箴

崔寔太醫令箴曰動不肆  
勤靜不宴逸有疾歸天醫

太醫丞

沿革見令  
提舉管勾

國朝熙寧四年置太醫丞請給佩魚視殿中省尚藥奉  
御叙班其下以處醫官之產科小方脉者不使為尚藥  
奉御五年以武成王廟建武學徙置他處遂相城西扁  
鵲廟置局  
先是慶曆四年自鼓吹局移就武成王廟  
八年以提舉太醫局所  
為額九年以秀州華亭縣主簿陳應之管勾太醫局五

月詔中書禮局修太醫局式候修定即移市易務賣藥  
所往彼看詳太醫局今更不隸太常寺別置提舉一員  
判局二員其判局選差知醫事者充是月以知制誥熊  
本提舉太醫局改差提舉太醫局單驤充管勾仍令修  
葺舊司農寺充醫學公事有司相度寺屋修治浩大乞將  
舊朝集院修葺從之八月改差前秀州華亭縣主簿管  
勾太醫局陳應之知太醫丞公事仍令後以朝官充判  
京官充管勾選人知丞事通不得過三員或俱是丞即

以官高者發遣

元祐官品令太醫丞從七品

### 禮院

唐有知禮儀院禮儀使之目自建中後惟郊祀權置禮儀使事畢即停

國朝初止以禮院掌其事雍熙封禪別命學士常參官七人同詳定儀注事畢即廢大中祥符元年東封又命學士待制五人與禮院李維孔與姜嶼詳定禮儀事畢

遂不廢局六年詔以起居院詳定所為禮儀院命兵部侍郎趙安仁翰林學士陳彭年同知院初置詳定所即命彭年領其事以彭年修起居注故命就起居院為官局七年以參知政事丁謂判禮儀院而陳彭年知院如故自是多以參知政事一員判院以學士丞郎諸司三品以上一員知院揭榜刻印移文它局悉以銀臺書司為準若中書樞密院判官則移文諸司自宣徽院御史臺以下皆用劄子其後別置院於右掖門外凡行禮所

用儀仗法物未合典禮悉裁定制度內外書奏中書禮房所主者悉付之三司京百司胥吏以充主吏又令禮院直官分番祇應諸司職務相涉者咸得統之逐司各遣一人職掌一人每月輪番赴院祇應急速公事皆填印紙劄子即付行遣時朝廷奉祠尤謹凡作一事必纖微委屈多所規創天聖元年罷禮儀院改知院為判太常寺改同判太常院為同知院雖隸太常寺然實專達康定初罷知院以判太常寺總之兼禮儀事近有至六

七人者

熙寧三年詔以太常禮院為審官西院其禮院歸太常寺置局四年以舊審刑院為太常禮院

禮閣新儀

國朝天聖五年禮院言自開國以來禮儀沿革刪去重複外都一千八百三十道辦其五

禮之目各從類分更以年月為次編成

仁宗配饗明堂

議

治平元年詔以仁宗配饗明堂初禮院奏乞與兩制同議大行皇帝當配何制祭翰林學士王珪等奏唐

代宗即位用禮儀使杜鴻漸等議季秋大饗明堂以考肅宗配昊天上帝德宗即位以考代宗配王湏郊祀錄湏云即孝經周公嚴父之道本朝祀儀季秋大饗明堂配昊天上帝以真宗配今請以仁宗配則循用周公敬



父之道知制誥錢公輔議按三代之法郊以祭天而明  
堂以祭五帝郊之祭以始封之祖有聖人之德者配焉  
明堂之祭以創業繼體之君有聖人之德者配焉故孝  
經曰周公郊祀后稷以配天宗祀文王於明堂以配上  
帝又曰孝莫大於嚴父嚴父莫大於配天則周公其人  
也以周公言之則嚴父也以成王言之則嚴祖也方是  
之時政則周公祭則成王亦安在乎必嚴其父哉我將  
之詩是也後世失禮不足考據請亦以周事言之臣竊  
以為聖宋崛起非有始封之祖也則創業之君遂為太  
祖矣太祖則周公之后稷配祭于郊者也太宗則周之  
文王配祭于明堂者也此二配則至大至重百世不遷  
之法也真宗則周之武王宗乎廟而不祧者也雖有配  
天之功而無配天之祭未聞成王以嚴父之故廢文王  
配天之祭而移於武王也仁宗則周之成王也雖有配  
天之業而無配天之祭亦未聞康王以嚴父之故廢文  
王配天之祭而移於成王也以孔子之心推周公之志

則嚴父也以周公之心攝成王之祭則嚴祖也嚴祖嚴父其義一也下至於兩漢去聖未遠而明堂配祭東漢為得在西漢時則孝武始營明堂而以高帝配之其後又以景帝配之孝武之後無聞焉在東漢時則孝明始建明堂以光武配之其後孝章孝安又以光武配之孝安之後無聞焉當始配之代適符嚴父之說及時異事遷而章安二帝亦弗之變此最為近古而合乎禮者也

有唐始在孝和時則以高宗配之在明皇時則以睿宗配之在永泰時則以肅宗配之禮官杜鴻漸王涇輩不能推明經訓務合古初反以雷同其論以惑時主延及于今牢不可破當仁宗嗣位之初倘有建是論者則配天之祭當在太宗矣當時無言者故使宗周之典禮不明於聖代而有唐之曲學流弊於後人願陛下深詔有司博謀羣賢使配天之祭不膠於嚴父而嚴父之道不專乎配天脩宗周之典禮替有唐之曲學於是又命臺諫及講讀官與兩制禮院再詳定以聞觀文殿學士兼

翰林侍讀學士孫抃等奏謹案孝經出於聖述其談聖治之極則謂人之行莫大於孝舉孝之大則謂於嚴父而配天仲尼美周公以居攝而能行天子之禮尊隆于父故曰周公其人不可謂之安在乎必嚴其父也又若止於太祖比后稷太宗比文王則宣祖真宗向者皆不當在配天之序推而上之則謂明堂之祭真宗不當以太宗配先帝不當以真宗配今日不當以仁宗配必配以祖也臣等按易豫之說曰先王作樂崇德薦之上帝以配祖考蓋若祖若考並可配天者也茲又符於孝經之說亦不可謂安在乎必嚴其父也祖考皆可配帝郊與明堂不可同位亦不可謂嚴祖嚴父其義一也雖周家不聞廢文配而移於武廢武配而移於成然則易之配考孝經之嚴父歷代循守固亦不為無說魏明帝宗祀文帝於明堂以配上帝史官謂是時二漢郊祀之制具存魏所損益可知則亦不可謂東漢章安之後配祭無傳遂以為未嘗嚴父也自唐至本朝其間賢哲講議

不為少矣所不敢以異者捨周孔之道無所本統也今  
以為我將之詩祀文王於明堂而歌者也亦安知非仲  
尼刪詩存周之全盛之頌被於管絃者獨取之也仁宗  
繼體保成置天下於大安者四十二年功德於人可謂  
極矣今祔廟之始遂抑而不得與上帝之饗甚非所以  
宣彰陛下為後嚴父之大孝臣等敢以前所定議為便  
知諫院司馬光呂誨議竊以孝子之心誰不欲尊其父  
者聖人制禮以為之極不敢踰也故祖己訓高宗曰典  
祀無豐于昵孔子與孟懿子論孝亦曰祭之以禮然則  
事親者不以數祭為孝貴於得體而已先儒謂禘郊祖  
宗皆祭祀以配食也禘謂祭昊天於圜丘也祭上帝於  
南郊曰郊祀五帝五神於明堂曰祖宗故詩曰思文后  
稷克配彼天又我將祀文王明堂此其證也下此皆不  
見於經矣前漢以高祖配天後漢以光武配明堂以是  
觀之古之帝王自非建都啟土及造有區夏者皆無配  
天之文故雖周之成康漢之文景明章其德業非不美

也然而子孫不敢推以配天者避祖宗也孝經曰嚴父莫大於配天則周公其人也孔子以周公有聖人之德成太平之業制禮作樂而文王適其父故引之以證聖人之德莫大於孝答曾子之問而已非謂凡有天下皆當其以父配天然後為孝也近世祀明堂者皆以其父配五帝乃誤孝經之義而為先王之禮不可以為法也景祐二年仁宗詔禮官稽按典籍辨崇配之祀序定二祧之位乃以太祖為帝者之祖比周后稷太宗真宗為帝者之宗比周之文武然則祀真宗於明堂以配五帝亦未失古禮今仁宗雖豐功美德洽于四海而不在二祧之位議者乃欲捨真宗而以仁宗配食明堂恐於祭位不合又以人情言之是絀祖而進父也夏父弗忌躋僖公先兄而後弟孔子猶以為逆祀書於春秋况絀祖而進父乎必若此而行之不獨乖違典祀總亦非仁宗之意也臣等竊謂宜遵舊禮以真宗祀地祇備樂不作配五帝於明堂為便詔從朴等所議

嘉祐八年五月禮院奏請祀  
地祇祇備樂而不作從之  
奏以太祖太宗為一世太

禮院奏神主祔廟當以太祖太宗為一世增一室詔兩  
府及待制以上與禮官考議觀文殿學士孫抃等議按  
禮曰三昭三穆與太祖之廟而七書曰七世之廟可以  
觀德曰世與昭穆云者據父子之正而言之也若兄弟  
則昭穆同不得以世數數之矣商之祖丁之子曰陽甲  
曰盤庚曰小辛曰小乙四人者皆有天下有始祖有太  
祖有太宗有中宗若以一君為一世則小乙之祭不及  
其父祖丁是太宗之兄弟相及昭穆同而不以世數數  
之明矣故晉之廟十一室而六世唐之廟十一室而九  
世中宗睿宗之於高宗恭宗文宗武宗之於穆宗同居  
穆位國朝太祖為受命之祖太宗為有功德之宗此萬  
世不遷者也故太祖之室太宗稱孝弟真宗稱孝子大  
行皇帝稱孝孫而禘於廟之時太祖太宗同居昭位南  
向真宗居穆位北向蓋先帝稽用古禮而著之於祀典

矣大行皇帝神主祔廟臣伏請增一室為八室以備天子事七世之禮詔從之於是龍圖閣直學士盧士宗天章閣侍制司馬光等議謹按禮天子七廟三昭三穆與太祖之廟而七太祖之廟萬世不毀其餘昭穆親盡則毀示有終也自漢以來天子或起於布衣以受命之初太祖尚在三昭三穆之次故或祀四世或祀六世其太祖以上之主雖屬尊於太祖親盡則遷故漢元帝之世太上廟主藏於寢園魏明帝之世處士廟主遷於園邑晉武帝祔廟遷征西府君惠帝祔廟又遷豫州府君自是以下大抵過六世則遷其神主蓋以太祖未正東嚮之位故止三昭三穆若太祖已正東嚮之位則并三昭三穆為七世矣唐高祖初立祀四世太宗增祀六世及太宗祔廟則遷洪農府君神主於夾室高宗祔廟又遷宣皇帝神主於夾室皆祀六世此前世之成法也唯明皇立九室祀八世事不經見難可依據今若以太祖太宗為一世則大行皇帝祔廟之日禋祖親盡當遷於西

夾室祀三昭三穆於先王典禮及近世之制無不符合  
太廟更不須添展一室又詔拊等再議議曰先王之禮  
自王以下降殺以兩故有天下者當祀七世有一國者  
祀五世自漢以來諸儒傳禮者至有夏五廟商六廟之  
說出於不見商書伊尹之言而承用禮學之誤蓋自唐  
及周凡廟制不同而大抵皆七世王制所謂三昭三穆  
與太祖之廟而七者是也今議者疑禋祖既非太祖又  
在三昭三穆之外以為於禮當違如此則是以有天下  
之尊而所事止於六世不稱先王制禮降殺以兩之意  
且議者言禋祖當違者以為在三昭三穆之外則於三  
代之禮未嘗有如此而不違者臣等以為三代之禮不  
同則廟制亦不得不變出太祖之上者也後世之變既  
與三代不同則廟制亦不得不變而從時且自周以上  
所謂太祖亦非始受命之王特始封之君而已今禋祖  
雖非始封之君要為立廟之始祖宗廟數未過七世之  
時遂毀其廟遷其主考三代之禮亦未有如此者也漢



魏及唐一時之議恐未合先王制禮之意臣等竊以為存禋祖之室以備七世之數合於經傳事七世之明文而亦不失先王

**地祇差官詣壇**

知諫院司馬光奏昨以

之禮詔又從之  
地宗廟社稷皇地祇止於園丘望告臣聞王者父天母地其尊一也今社稷之祀位為上公猶特遣官奏告而皇地祇寓於南郊下同綴食失尊卑之序乖重輕之儀欲乞自今凡祭告皇地祇並遣兩府官一員詣北郊行事詔禮院詳定禮院奏自今非次

**太宗配雩祭**

治平元年十月

告即乞差官專詣壇行事從之  
殿中侍御史趙鼎請遣以真宗配孟夏雩祭以太宗專配上辛祈穀孟冬祀神州地祇循用者唐故事翰林學士王珪等議以為天地大祭有七皆用歷代故事以始封受命創業之君配神作主至於明堂之祭用古嚴父之道配以皇考故朝廷在真宗時以太宗配在仁宗時則以真宗配今則以仁宗配仁宗始以真宗配明堂

罷太宗明堂之配而太宗先以配霄祈穀及神州之祭  
本非遞遷今明堂既用嚴父之道則仁宗配天之祭於  
禮當罷不當復從霄留祭酒不以實尊尚書祠部郎中  
祕閣校理知太

常禮院晏承裕奪兩官勒停坐監祀太廟留祭酒不以  
實尊及闌入真宗廟室為宮門令所發會降當原從御

史趙鼎請重竄責以減定袞冕制度二年詔減定袞冕  
制度初祕閣校理

懲貪惡故有是命

減定袞冕制度

知太常禮院李育奏本朝天子冕十二旒及二纁皆貫

以真珠又有翠旒十二銜以翠鳳在珠旒外冕版以龍  
鱗表上綴玉為七星旁施琥珀餅犀餅各二十四周綴  
金絲網鈿以珠玉雜寶加紫雲白鶴錦裏四柱七寶飾  
之袞服亦飾以金珠琥珀雜寶竊以袞冕之飾皆存法  
象明水太羹不可以衆味和雲門咸池不可以新聲聞  
則袞冕亦不宜以珍怪累也仁宗景祐三年詔禮官詳  
據典故務從前詔其不經之飾重者多去而輕者尚存

不能盡如詔意至至和三年王洙復議典禮畫圖以獻  
漸合古禮今有所造復如景祐以前未改之制臣以為  
宜悉改正於是禮院奏詳定冕服乃以羅為之冕廣尺  
二寸長二尺二寸前圓後方黝上朱下金飾版側以白玉  
為旒貫以五彩前後十二旒旒十二玉玉相去一寸朱  
組纓絰纓金飾玉簪導玄衣纁裳以日月星辰山龍華  
蟲火宗彝八章繪衣以藻粉米黼黻四章繡裳以升龍  
錦為標領詔用景祐二年所減制度又減裙繡花繪龍  
鱗紫雲白鶴及金龍

### 太常因革禮

九月提舉編纂禮書

四衣裳皆繪而不繡  
前陳州項城縣令姚闢等已編次成書百卷詔以太常  
因革禮為名初歐陽修同判太常寺奏禮院文字多散  
失請差官編修時朝廷重置局上以命禮官散祠祭齋  
宿又兼校館閣書籍或別領他局嘉祐六年祕閣校理  
張洞奏請用擇幕職州縣官文字該贍者三兩人置局  
命判寺一員總領於是姚闢蘇洵編纂令判寺官督趨

之而知制誥張瓌又奏伏見差官編修開國以來禮書竊思事出一時不合經制著之方冊無以示後欲乞慎擇有學術方正大臣與禮官精議是非整正紬繹然後成書則垂之永久無損成憲時修為參知政事命修提舉至是書成

### 宗正

前漢百官表宗正秦官掌親屬有丞平帝元始四年更名宗伯屬官有都司空令丞內官長丞又諸公主家令皆屬焉王莽并其官于秩宗

後漢百官志宗正卿一人丞一人

晉職官志宗正統皇族宗人圖謀又統太醫令史又有司牧掾員及渡江哀帝省并太常太醫以給門下省

隋百官志後齊九寺置卿少卿丞各一人各有功曹五官主簿錄事等員隋九寺並置卿少卿一人各置丞主簿錄事等員

唐職官志宗正寺

星經有宗正星在帝座之東南秦置宗正掌宗屬梁置十二卿宗正為一

署加寺字光宅改為司屬神龍復

卿一員少卿二員丞二人主簿一人

錄事一人府五人史九人亭長四人掌固四人

六典宗正寺

光武復置漢百官志宗正掌序錄王國嫡庶之次宗室親屬遠近漢宗正之官不以

他族楚元王子郢客劉辟疆劉德等為之魏亦如之晉桓溫奏省屬太常宋齊不置梁天監七年仍置唐龍朔二年改宗正寺曰司宗正寺光宅元年改為司屬神龍初復曰宗正

國朝初在闕前廊下咸平二年以地窄徙延和坊建皇屬籍按大中祥符八年火乃徙于福善坊建玉牒殿屬籍堂舊有宗玄署今廢嘉祐六年詔以太廟南舊府司為知宗正寺廨八年以雜修宗正寺為太常寺先是以英宗知寺事故特置廨而帝固辭乃復以為太常寺掌

修纂玉牒宗室屬籍及圖錄之事

卿

後漢百官志宗正卿一人中二千石本注曰掌序錄王國嫡庶之次及諸宗室親屬遠近郡國歲計上宗室名籍若有犯法當髡以上先上諸宗正宗正以聞乃報決後魏職令宗正卿第四品上第三清選用忠懿清和識參教典者先用皇宗無則用庶姓

隋百官志梁宗正卿位視列曹尚書主皇室外戚之屬

以宗室為之後齊九寺置卿少卿丞一人各有功曹五官主簿錄事等員隋九寺並置卿少卿一人

唐百官志宗正卿一人

從三品

少卿二人

從四品

卿之職掌

九族六親之屬籍以別昭穆之叙并領崇玄署少卿為之貳

六典宗正寺卿一人從三品

梁宗正春卿位視列曹尚書班第十三陳因之後魏

亦曰宗正卿第二品上北齊第三品隋開皇初正三品煬帝改為從三品皇朝因之

少卿二人從

四品上

後魏太和中初置少卿第三品二十三年為第

四品隋初上四品煬帝降為從四品皇朝因之



掌

同唐百官志

國朝大中祥符九年以度支員外郎權知宗正寺事趙世長知河陽太子右贊善大夫趙廓權宗政丞事時本寺言陵廟行祀闕官准令文宗正卿一員少卿丞各二員主簿一員時止趙安仁兼卿世長知寺事上因謂宰臣曰安仁嘗參宰府與世長列銜非便王旦曰請自今京官兼主簿郎中以下兼丞給舍以下兼少卿丞郎以下兼卿以為永制世長知寺數年忽令兼丞亦似無謂

王嗣宗嘗以世長父用成坐賊弃世不當使之司宗正

望授外郡別擇官以備宗職上從之

開寶六年以右千牛衛將軍趙崇濟

為宗正少卿凡寺皆宗室為之時文班闕宗姓故命崇濟

元祐官品令宗正卿四品少卿從五品

封侯

漢楚元王子郢客為宗正封上邳侯

忠直

劉向字子政蕭望之周堪薦向曰宗室忠直經明有

行拜

世掌

後漢劉珍梁孝王之孫為宗正卒官遂世掌焉

伯臣司宗

揚雄箴魏武帝堯欽

親九族經哲宗伯禮有攸訓屬有攸籍各有

宗室廣大

育子世以不錯又云伯臣司宗敢告執玉

日以滋

漢武帝栢梁詩宗正曰宗室廣大日以滋

以仁孝著聞

東觀漢記劉平字子公以

仁孝著聞拜宗正數薦  
達名士在官甚有聲  
**竭忠盡節**  
劉般字伯興在朝精

**神衰耗**

唐竇誕拜宗正卿唐太宗常與之言昏忘不能對乃手詔曰朕聞為官擇人者治為人擇官者

亂竇誕比來精神衰耗殊異常時知不肖而任之觀尸祿而不退非惟傷風亂政亦恐為君不明考績黜陟古今常典誕可光祿大夫還第尋卒

**上新修皇家屬籍**

咸平四年宗正卿趙安仁駕部郎中

知制誥梁周翰上新修皇家屬籍三十三卷送宗正寺

**器貌瓌雅真吾所欲**

後魏杜銓

世祖太后父豹喪在濮陽世祖欲命近葬於鄴謂司徒崔浩曰天下諸杜何處望高浩對京兆為美世祖曰朕方今改葬外祖意欲取京兆杜銓其家今在趙郡是杜預營護凶事浩曰中書博士杜銓其家今在趙郡是杜預之後於今為諸杜最即命召之及見日器貌瓌雅世祖感悅謂浩曰此真吾所欲也以為宗正

**二星**

星經

有宗正二星

在帝座東南

丞

前漢公卿表宗正秦官掌親屬有丞

後漢百官志宗正丞一人比千石

隋百官志後齊九寺置丞各一人隋九寺各置丞

唐百官志宗正丞一人

從六品上

掌判寺事

六典宗正丞一人從六品上

漢宗正丞秩千石魏晉亦如之東晉省宋齊因之梁

宗正丞為四班陳六百石第八品後魏第七品北齊因之隋初丞二人並七品下煬帝大業五年增為從五品

皇朝置

二人

國朝

見卿門

元祐官品令宗正丞從七品

千里駒

漢劉德數言時事詔見甘泉宮武帝謂千里駒昭帝初為宗正丞後為宗正卿

主簿

隋百官志後齊隋九寺各有主簿等員

唐百官志宗正寺丞主簿一人

從七品上

掌印及勾校稽失

六典主簿二人從七品上

梁天監七年置為七班陳因之北齊同隋置二人皇朝置

一人開元二十五年加一人自卿  
以下並於宗室中擇才行者補授

國朝元祐官品令宗正寺丞簿從八品

修玉牒官

唐本宗正之職開成後始別置修玉牒官

國朝大中祥符六年詔修玉牒以皇玉牒為名八年詔  
建玉牒殿屬籍堂于新寺命宗正卿趙安仁重修玉牒  
屬籍安仁又上仙源積慶圖詔歲寫一本藏龍圖閣九  
年以右司諫知制誥劉筠戶部員外郎知制誥夏竦為

宗正寺修玉牒官自後置一員或二員掌帝籍玉牒及  
皇親屬籍昭穆之序凡玉牒書以銷金花白羅紙金軸  
銷金紅羅標帶裊黑漆金飾匣紅錦裏金鎖鑰屬籍諸  
王書以銷金白綾紙銀軸紅錦標帶紅羅裊黑漆塗金  
銀飾匣錦裏銀鎖鑰公侯以下白綾紙牙軸餘如諸王  
至和元年詔故事屬籍十年一修今雖及八年而宗夫  
蕃衍其增修之

熙寧元年玉牒所上仁宗皇帝玉牒四卷英宗皇帝玉

牒四卷三年於三班院置局後徙編修院

太廟令

漢百官表太常屬官有諸廟令長丞

續漢書高廟令一人六百石

主守宗廟按  
行掃除無丞

世祖廟令一

人

宋書太廟令一人主守宗廟按行洒掃之事領齋郎二

十四人

齊職儀周有守祧之官掌先王之廟



國朝別置太廟後廟宮閨令各一人以入內侍充後改以入內侍充隸以本寺

周禮冢人下大夫二人中士四人掌公墓之地辨其兆域而為之圖先王之葬居中以昭穆為左右

漢書百官表太常屬官有諸陵令元光元年分諸陵邑屬三輔

續漢書太常掌先帝陵每園各令一人秩六百石

掌守園陵

按行丞及校長各一人

校長主戒盜賊

齊職儀周有墓大夫冢人之職掌先王之墓又曰每陵令一人品第七秩四百石銅印墨綬進賢一梁冠絳朝服

唐官品志梁天監七年陵監之名不出前誥且宗廟憲章既備典禮園寢職司理不容異諸正陵先立監者改為令

六典顯陵昭陵乾陵定陵橋陵恭陵署令各一人從五

品

晉太常統陵令丞主簿錄事戶曹史禁備吏各一人侍一人凡吏四人卒一人宋太常統陵令齊舊用三

品勲位孝建二年改為二品梁太常統陵監後改為令  
班第二品正第九陳承梁制置秩六百石北齊太常亦  
統諸陵令丞後周守陵每陵上士一人隋諸陵每陵令  
各一人皇朝因之開元二十五年諸陵廟隸宗正天寶  
十二年隸于太常後又改顯昭乾定橋五陵署為臺升  
令為從五品上至德二年復隸宗正永太元年隸太常  
大厯元  
年復

五代史後唐應順元年詔特置陵臺令丞各一人

國朝乾德二年以河南府鞏縣令孔美兼安陵臺令太  
平興國二年永昌陵復置令兼安陵事至道三年新修  
永熙陵特置令一員專切管勾景德四年正月詔永安

鎮建為縣隸河南府同赤縣其知縣兼陵臺令

元祐官品令陵臺令從六品

陵臣司墓

胡廣陵令歲昔在皇初葬野衣薪禮非極哀不樹不封瓦棺聖周虞夏攸增壤不毀庸奢

不害生是謂皇極百王此經故厚不可始皇薄不相如

漢司馬相如為茂陵令

光祿

前漢百官表郎中令秦官

主郎內諸官

掌宮殿掖門戶有丞

武帝太初元年更名光祿勳屬官有大夫郎謁者皆秦

官又期門羽林皆屬焉大夫掌論議有太中大夫中大夫諫大夫皆無員多至數十人中郎有五官數十人郎掌守門戶出充車騎有議郎中郎侍郎郎中皆無員多至千人中郎有五官左右三將秩皆比二千石郎中有車戶騎三將秩皆比千石謁者掌賓贊受事員七十人秩比六百石有僕射秩比千石期門掌執兵送從武帝建元二年初置比郎無員多至千人有僕射秩比千石平帝元始元年更名虎賁郎置中郎將秩比二千石羽

林掌送從次期門武帝太和元年初置名曰建章營騎  
後更名羽林騎又取從軍之子孫養羽林官教以五兵  
號曰羽林孤兒有令丞宣帝令中郎將騎都尉監羽林  
秩比二千石

後漢百官志光祿勳卿一人中二千石丞一人比千石  
五官中郎將一人比二千石本注主五官郎五官中郎  
比六百石本注無員五官侍郎比四百石本注無員五  
官郎中比三百石本注無員凡郎官皆主更直執戟宿

衛諸殿門出充車騎唯議郎不在直中左中郎將比二

千石本注主左署郎中郎比六百石侍郎比四百石郎

中比三百石

三郎

本注皆無員右中郎將比二千石本注

主右署郎中郎比六百石侍郎比四百石郎中比三百

石本注皆無員虎賁中郎將比二千石本注主虎賁宿

衛左右僕射左右陞長各一人比六百石本注曰僕射

主虎賁郎習射陞長主直虎賁朝會在殿中虎賁中郎

比六百石虎賁侍郎比四百石虎賁郎中比三百石節

從虎賁比二百石

四郎

本注皆無員掌宿衛侍從自節從

虎賁久者轉遷才能差高至中郎羽林中郎將比二千

石本注主羽林郎比三百石本注無員掌宿衛侍從常

選漢陽隴西安定北地上郡西河凡六郡良家補羽林

左監一人六百石本注主羽林左騎丞一人羽林右監

一人六百石本注主羽林右騎丞一人奉車都尉比二

千石本注曰無員

漢官曰三人

掌御乘輿車駙馬都尉比二

千石本注曰無員

漢官曰五人

掌駙馬騎都尉比二千石本



注曰無員

漢官曰  
十人

本監羽林騎光祿大夫比二千石本

注曰無員

漢官曰  
三人

凡大夫議郎皆掌顧問應對無常唯

詔命所使凡諸國嗣之喪則光祿大夫掌弔太中大夫

千石本注曰無員

漢官曰二十人  
秩比二千石

中散大夫六百石本

注曰無員

漢官曰三十人  
秩比二千石

諫議大夫六百石本注曰無

員

漢官曰  
三十人

議郎六百石本注曰無員

漢官曰三  
人無常員

謁者

僕射一人比千石本注曰為謁者臺率主謁者天子出

奉引常侍謁者五人比六百石本注主殿上時節威儀

謁者三十人其給事謁者四百石其權謁者郎中比三百石本注掌賓贊受事及上章報問將大夫以下之喪掌使弔本員七十人中興但三十人初為權謁者滿歲為給事謁者又屬光祿勳本注曰職屬光祿者自五官將至羽林右監凡七署自奉車都尉至謁者以文屬焉魏志黃初元年改郎中令為光祿勳

晉職官志光祿勳統虎賁中郎將羽林郎將冗從僕射羽林左監五官左右中郎將東園匠太官御府守宮黃

門掖庭清商華林園暴室等令哀帝興寧二年省光祿  
勲孝武寧康元年復置

宋百官志光祿勲一人光明也祿爵也勲功也掌主署  
郎執戟衛宮殿門戶光祿勲居禁中如御史有獄在殿  
門居禁中人無復三署郎唯外宮朝會則以名列焉二  
臺奏劾則符光祿加禁止解禁止亦如之禁止身不得  
入殿省光祿主殿門故也宮殿門戶至今猶屬

隋百官志梁光祿卿掌宮殿門戶統守宮黃門華林園

暴室等令又有左右光祿金紫光祿太中中散等大夫

並無員以養老疾後齊光祿寺掌諸膳食帳幕器物宮

殿門戶等事統守宮太官宮門供府肴藏清潭

主酒

華林

等署宮門署置僕射六人以司其事餘各有令丞又領

東園局丞員

掌山具

隋光祿寺統太官肴藏良醢掌醢等

署各置令

太官三人肴藏良醢各二人掌醢一人

丞

太官八人肴藏掌醢各三人良醢四人

太官又有監膳

十二人

良醢又有掌醢

五十人

掌醢有主醢

十人等員

唐職官志光祿寺

秦曰郎中令漢曰光祿勳梁置十二卿加寺字除勳字掌膳食後因之品

第二龍朔改為司膳寺正卿光宅改司膳寺卿神龍復為光祿寺

卿一員少卿二人丞

二人錄事二人府十一人史二十一人亭長六人掌固

六人

國朝光祿寺掌酒醴膳羞食料之事

卿 少卿

前漢百官表郎中令秦官武帝太初元年更名光祿勳

掌宮殿掖門戶秩中二千石

後漢百官志光祿卿一人中二千石本注曰掌宿衛宮殿門戶典謁署郎更置執戟宿衛門戶考其德行而進退之郊祀之事掌三獻

漢官解詁士之權貴不過尚書其次諸吏

諸吏光祿勲是也

應劭漢官儀光明也祿爵也勲功也言光祿典郎謁者虎賁羽林舉不失德賞不失勞故曰光祿勲

後魏職令光祿少卿第四品上第二清用肅勤明敏兼識古典者

隋百官志梁光祿寺卿位視太子中庶子掌宮殿門戶  
後齊光祿寺置卿少卿掌諸膳食帳幕器物宮殿門戶  
等隋煬帝光祿以下八寺卿皆降為三品

唐職官志光祿寺卿一員

從三品

少卿二人

從四品上

掌邦國

酒醴膳羞之事掌太官珍羞良醢掌醢四署之官屬條  
其儲備謹其出納少卿為之貳國有大祭祀則省牲鑊  
視濯滌

六典光祿寺卿一人從三品

郎中令秦官漢武帝改為光祿勳獻帝改郎中令魏

黃初復為光祿勳東晉省并司徒孝武寧康元年復置  
梁置十二卿除勳字光祿卿為冬卿班第二十陳因梁  
後魏從一品下太和二十二年重次職令九卿並第三  
品隋開皇廢光祿入司農十二年復置煬帝降為從三  
品皇朝因之龍朔二年改司宰寺正卿咸  
亨復光宅元年改司膳寺卿神龍元年復少卿二人從

四品上

後魏太和十五年初置少卿官第三品上二十  
二年降為正四品上北齊因之隋初依北齊煬

帝即位加置一人降為從四品上北齊因之隋初依北齊煬  
帝加置二人龍朔咸亨光宅神龍並隨寺改復掌

職官  
志

唐

五代職官志後唐同光元年諸寺監只置大卿各一員

國朝元祐官品令光祿寺卿從四品少卿正六品



浣滌親裙

史記萬石君子建為郎中令每五日洗沐歸謁親入子舍竊問侍者取親中裙廁踰身自

浣濯復與侍者不敢

屏人恣言

建為郎中令事有可言屏人恣言極切至廷見

如不能言者上

奏事誤書

建書奏事事下建讀之曰誤書馬字與尾當五今乃是不

足一上謹死矣甚惶

終無所言

周文名仁為郎中令仁為人陰重不泄常衣敝

補衣溺袴期為不潔清以是得幸景帝入臥內於後宮祕戲仁常在旁至景帝崩仁尚為郎中令終無所言上

時用人仁曰上自察之然亦

隱人過失

前漢張安世為光祿勳郎有醉

無所毀以是景帝再幸其家

小便殿上主事白行法安世曰何以知其不反覆水漿耶如何以小過成罪郎淫官婢婢先自言安世曰奴以

總領從官栢梁臺

武帝栢梁臺光祿勳詩

其隱人過失皆此類也

職官分紀

卷

曰總領從官栢梁臺

貴寵最盛與九卿絕席

後漢馬防貴寵最盛與九卿絕席拜光祿

勲白馬生

張湛字子孝拜光祿勲光武臨朝或有墮容湛輒陳諫其失常乘白馬帝每見湛輒言白

馬生且復諫矣

內奉宿衛外總三署

杜林字伯山為光祿勲內奉宿衛外總三署周密敬

慎選舉稱平郎有

所歷有稱

任隗字仲和自將作大匠

好學輒見引進

諫封賞踰制

陳著遷光祿勲時封賞踰制

上疏

陳三空之危

延熹六年車駕廣陵校獵陳蕃上疏諫曰

庫空是謂三空加兵戎未戢四方離散是陛下焦心毀

居守京師

續漢書李通為光祿勲時上征討四

選舉清

平

魯恭以侍中遷光祿勳選舉清平不失次序京師貴重莫能屈

視事三日拜司空

荀爽

字慈明為光祿勳視事三日即拜司空

二雅

東觀漢記孫湛字子雅為光祿勳以清廉稱周澤相類京

師號之二雅

授太子諸王經

劉昆為光祿勳授皇太子及諸王小使五千人經昆老退位以

二千石祿終其身

將羽林宿衛宮省

馬防為光祿勳上數幸防府賞賜飲食每出防輒將

羽林宿衛宮省防在職數上疏言政事多見納

鄉邑耆德

魏志常林徙光祿勳晉宣王以林鄉邑耆

德每為之拜或謂林曰司馬公貴重君宜止之林曰司馬公自欲敦長幼之序為後生之法貴非吾之所長拜

非吾之所制也言者踴躍而退

聞劉備死獨不賀

袁煥魏國初建為郎中令時有傳劉備死

者羣臣皆賀煥以嘗為備吏獨不賀

優游諷詠無所標名

晉應詹字思遠遷光祿勳以王

敦專制自樹故優游諷詠無所標名觀此奏使朕懼魏高堂隆遷光祿勳帝愈增崇宮殿彫飾

觀閣百役繁興作者萬數隆上疏曰今陛下所與共坐廊廟治天下者非三司九列則臺閣近臣皆腹心造膝

宜在無諱若見有過而不敢以告從命奔走惟恐不勝是則具臣非輟輔也昔李斯敢奏二世曰為人主而不

慈雖命之曰天下桎梏二世用之秦國以覆斯亦滅族是以史遷譏其不正諫而為世誠書奏帝覽焉謂中書

監令曰觀隆此奏使朕懼哉關東鮡鮡郭子橫後漢郭憲為光祿勳車駕西征憲諫曰天

下初定車駕未可以動憲乃當車拔佩刀斷鞅帝不從遂出隴後潁川兵起乃回駕帝嘆曰恨不用子橫之言

時匈奴數犯塞帝患之乃召百寮廷議憲以為天下疲弊不宜動衆諫諍不合乃伏地稱眩替不復言帝令兩

郎扶下殿憲亦不拜帝曰嘗聞關東鮡鮡清廉果於從郭子橫竟不虛也憲遂以病辭卒於家

政

孫湛拜光祿勳清廉果於從政數有直言多見納用十八年以病乞身

德行恂恂邵伯

春

東觀漢記邵馴字伯春鄉里號之曰總行恂恂邵伯春章和時為光祿勳

上便宜陳緩刑

簡役

吳志薛瑩字道言以時政多謬舉措煩苛瑩每上便宜陳緩刑簡役以濟育百姓事或施行遷光祿

勳以蓋并覆

吳錄王大暑嘗於樓上值雷雨以蓋自覆并以覆光祿勳劉基餘人不得也

寬

中博愛

晉書鄭默字思元轉光祿勳寬中博愛不以聲色矜人

以不見鄭光祿為

恨

王隱晉書鄭袤為光祿勳毋丘儉作亂景帝時為大將軍自出征之百官祖送於城東袤疾病不在會上

謂中領軍王肅惟以不見鄭光祿為恨肅以語袤袤自進及於近道上笑曰固知生必來也與共載問以計謀

二魚集武庫之屋

王肅字子雍為光祿勳時有二魚長尺集武庫之屋有司以為吉祥肅辨

之曰魚生於泉而見於屋鱗介之物失其所也  
邊將其殆有弃甲之變乎其後果有東闕之敗  
吾得其

人宋書王惠宋初置郎中令武帝難其  
人既而曰吾得其人矣乃以惠居之  
九列之首  
公集

樂謨詔草云光祿九列之首且職典史署  
選貢惟允其以前散騎常侍謨為光祿  
吐麥飯  
孟宗

為光祿勳大會宗先止酒偶有強者飲一杯便出傳  
司察宗吐麥飯察者以聞上乃嘆息曰至德清純如此

請假歸鄉船漏不沒  
後魏書邢虬字神寶為光祿少卿  
虬母在鄉遇患請假而歸值秋水

大瀑長河斷絕虬得一船  
授職宜存簡靜  
唐柳亨拜光

每誠之曰與卿舊親情素兼宿卿為人交遊過多今授  
此職宜存簡靜亨性好射獵有饗酒之名此後頗自勗

勵杜絕賓客約身節儉勤  
於職事太宗亦以此稱之

丞

前漢百官表郎中令有丞

前漢百官志光祿勳丞一人比千石

南齊百官志光祿勳府置丞一人

隋百官志後齊九寺置丞各一人隋九寺各置丞光祿

三人煬帝大業三年增為從五品

唐職官志光祿寺丞二人

從六品上

掌判寺事

六典光祿寺丞二人從六品上

宋齊列卿丞並視朝請  
梁天監七年改視員外

郎陳因之後魏列卿丞從五品中太和二十二年第七品上北齊一人從六品隋因之加置三人大業五年加為從五品皇朝掌同唐職改為從六品官志

主簿

晉職官志光祿置主簿員

隋百官志後齊光祿寺有功曹五官主簿錄事等員隋

光祿寺置主簿二人

唐職官志光祿寺主簿二人

從七品上

掌印勾檢稽失

太官令



漢百官表少府屬官有太官令二人丞七人

應劭漢官儀太官令兩梁冠秩千石丞四人邵孝廉年五十清靜聰明光祿上其名乃召拜皆秩四百石三歲為令以供養勞苦遷左丞有湯官丞掌諸甘肥果丞掌果瓜菜茹薪炭

漢舊儀太官主飯肉湯官主酒皆有令丞治太官湯官奴婢各三十人置酒皆緹韞蔽膝

六典太官署令二人從七品下

周禮有庖人外饗中士蓋其任也秦漢少府屬

官有太官湯官令丞太官主膳食湯官主餅餌漢官儀秩千石桓帝延熹元年使太官令得補二千石置四丞魏氏因之晉光祿勳有太官令宋侍中屬官有太官令一人齊因之梁門下省領太官陳因之後魏北齊分太官令為尚食中尚食尚食門下省領之中尚食集書省領之太官光祿勳領之尚食中尚食掌知御膳太官掌知百官之饌後周有典庖中士一人隋丞四人從八品光祿寺統太官令丞皇朝置令二人

下周禮庖人有外饗下士秦漢有太官丞後漢丞一人三百石又有左丞湯官丞甘丞果丞桓帝時太官置四

丞又有左右丞魏晉宋齊並有太官丞梁有四人又有市買丞正廚丞後魏北齊有太官丞一人後周內膳有中士四人隋有太官令掌供膳之事丞為之貳凡祭之丞八人皇朝置四人

日則白卿詣諸厨省牲鑊取明水於陰鑑取明火於陽

燧帥宰人以鸞刀割牲取其毛血實之於豆遂烹牲焉  
又帥進饌者實簋簠設於饌幕之內

國朝元祐官品令光祿寺太官令正九品

進御食以髮貫炙

謝承後漢書陳正為太官令黃門郎與正有隙因進御食以髮貫炙光武

啗炙見髮勅斬正正曰臣罪有當死者三云云詔赦之

詩

漢武栢梁詩曰枕杞橘栗桃李梅

箴

揚雄

太官令箴曰時惟膳夫實司王饗祁祁庶羞口實是供奉物百品八珍清觴以御賓客以膳于王


膳夫

司王饗上饗膳近任

王朗集朗為大理時上言主簿趙郡張登昔為郡主簿值黑山賊圍郡

登與縣長王雋帥吏兵七十二人俱往赴救與賊交戰吏兵散走雋幾見害登手格二賊以全雋命又守長夏

逸為督卿所枉登身受拷掠理逸之罪義濟二君宜加  
顯異黃初詔曰登忠義彰著在職勤勤名位雖畧直亮  
宜顯饗膳近任當得**能為南人飲食**後魏書毛循之能  
此吏以登為太官令**能為南人飲食**為南人飲食手自  
煎調多所適意世祖親待之進太官尚食賜  
爵南郡公加冠軍將軍常任太官主進御膳



職官分紀卷十八